

տանում ամենաշատը վկայակոչվում է «ալ-Լուրիյա» ցեղը, որին միջնադարի գրեթե բոլոր արաբ հեղինակները քուրդ են համարել: Սակայն հարկ է նշել, որ առ այսօր պարզ չէ ժամանակակից լուրերի (լորերի) ծագումը: Հետազոտողների մի մասի կարծիքով լուրերը արևմտյան Իրանի տեղաբնիկներ են և պատկանում են Զագրոս լեռան միևնույն էթնոլեզվախմբին⁴⁰:

Լուրիստանի մասին խոսելիս արաբ աշխարհագիրները նշում են, որ այն խուզիստանի շրջաններից էր, բայց ընդգրկվեց Ջիբալի կազմի մեջ⁴¹: Իբն Հաուկայն ու ալ-Իզրիսին (XII դ.) գրում են, որ Բիլադ ալ-Լուրը (Լուրիստանը) հարուստ երկիր է, որին տիրում են քրդերը⁴²: Յակուբը նշում է, որ լուրը թուրքական մի ցեղ է, որը բնակվում է Իսֆահանի ու խուզիստանի միջև ընկած լեռներում: Այդ շրջանները կրում են նրա անունը և կոչվում են Բիլադ ալ-Լուր⁴³: Լուրիստանում քրդերին հիշատակել է նաև արաբ աշխարհագիր-մատենագիր Աբու ալ-Ֆիդան⁴⁴ (XIII—XIV դդ.):

խուզիստանում ու Լուրիստանում քրդերի հիշատակումը դարձանալի չէ, քանի որ դրանք քրդական շրջաններին սահմանակից նահանգներ էին: Իբն Հաուկայը և ալ-Իսթախրին (X դ.) խուզիստանում բնակվող ժողովուրդների լեզվի մասին խոսելիս նշում են, որ այստեղ խոսում են արաբերեն, պարսկերեն և մեկ այլ լեզվով, որը կոչվում է խուզի: Ըստ արաբ աշխարհագիրների, վերջինս ինքնուրույն լեզու է. այն ո՛չ եբրայերեն է, ոչ ասորերեն և ոչ էլ պարսկերեն⁴⁵: Ռազագրավ է, որ արաբ աշխարհագիրներն ու մատենագիրներն այդ լեզուն քրդական չեն համարել կամ էլ նույնացրել քրդերենի հետ: Նրանց տվյալներից երևում է, որ այդ լեզուն տարածված է եղել խուզիստանում և ըստ ալ-Մուկադդասիի (X դ.) համարվել է «աստանաների լեզու»⁴⁶:

Այսպիսով, կասկածի տակ չառնելով խուզիստանում, ինչպես նաև Լուրիստանում քրդերի առկայությունը, ենթադրում ենք, որ երբեմն «քուրդ» տերմինը արաբ հեղինակների երկերում օգտագործվել է ոչ էթնիկական նշանակությամբ: Դա հաստատվում է նաև Ֆարսում, Քերմանում և այլուր այդ տերմինի կիրառությամբ: Վերոհիշյալ նահանգների տեղաբնիկ քոչվոր-անասնապահ ցեղերին քուրդ համարելով կամ քրդերին նմանեցնելով, ամենայն հավանականությամբ, սկզբնաղբյուրները նկատի են ունեցել այլալ ժողովուրդների կենցաղավարությունը⁴⁷:

Միջնադարի արաբական աղբյուրների ուսումնասիրությունը ցույց է տալիս, որ VII—X դդ. արաբական երկարատև գերիշխանության բացասական ամենամեծ հետևանքը եղավ այն, որ երբեմն շահագրիտական նկատառումներով, երբեմն էլ խուսափելով ֆեոդալական ծանր կապանքներից, քրդերը սկսեցին հեռանալ հայրենի լեռնաշխարհից և հաստատվել հարևան ժողովուրդների պատկանող տարածքներում: Այլ կերպ ասած, սկիզբ առավ քրդերի արտահոսք,

⁴⁰ «Народы передней Азии», М., 1957, с. 264; G. N. Curzon, *Persia and the Persian question*, v. II, London, 1892, pp. 306—314; V. Minorsky, «Lur» (The Encyclopaedia of Islam, v. III, London, 1963, pp. 41—46); В. В. Бартольд, *Соч.*, т. VII, М., 1971, с. 178—188.

⁴¹ Ibn Haukal, *Նշվ. աշխ.*, էջ 170—171; Al-Istakhri, *Նշվ. աշխ.*, էջ 88:

⁴² Ibn Haukal, *Նշվ. աշխ.*, էջ 176; Al-Idrisi, *Opvs Geographicvm*, f. IV, Roma-Neapol, 1974, p. 400.

⁴³ . ٢٥ ' ١٦ ص ' ج . ٥ . معجم ' ياقوت

⁴⁴ D'Aboul-Fedae, *Geographie*, Paris, 1840, p. 312—313.

⁴⁵ Ibn Haukal, *Նշվ. աշխ.*, 173—174; Al-Istakhri, *Նշվ. աշխ.*, էջ 91:

⁴⁶ Al-Moqddasi, *Descriptio Imperi moslimici*, (BGA), ed. M. S. De Goeje, *Lugduni Batavorum Apud E. J. Brill*, 1906, p. 418.

⁴⁷ Այդ մասին տ՛ս Ibn Haukal, *Նշվ. աշխ.*, էջ 185—187, 220—221; Al-Istakhri, *Նշվ. աշխ.*, էջ 113—114, 163—164: